




Mayowano murware rwaZambezi


✎ Imelda Lyamine, Albius Chunga Mulisa, Maria Simasiku, Florence Habayemi Shitaa

✉ Kleopas Jambeinge


💬 Ruthgela Shawanga

📶 4


💬 Mbukushu mhw




Dya karire diyuwa dyo ghughenyu dyoShundaha.
Hashengeteya ho muLusese ha pongire muthitondo
thothikuru thoMusikili muCaprivi.




Mavunguvungu ghawo gho yishamberera gha yuvekire mukunda ghoghuheya. Hethire hashere wagho. "Nakamwu, yowe nakutaterera. "Tambukeko, Chaze. "Silume! Wiye te!"




Maria gha shanashanine Ntwala. Ntwala nga ha twaranga kurware kehe Shundaha ha ka yoghane. "Ntwala! Ntwalee! Ntwalaaa! Ntwaloo!" ghet hire.




Ntwala gha kugherire kumutara ghumweya gho mukunda, "Yame no! Yamwe nakutaterera." Hashengeteya waheya hatjirere kwendi.




“Muna kuroyithera mukuyenda kukuyowana dyarero?”
Ntwala gha wepure. “Yii,” hahuthire noyishamberera
ghu regharegha.




Mundhira dhawo dho kurware Ntwala gha wathimwetwedhire yithimwa. "Tuthimwetwedhe yo kuhatera kumukunda wetu apa wa handjere," ha ghambire. "Tuthimwetwedhe yo kuhatera kwaMbwawa naNguya."




Kumbombwa dho rware kwa karire Ghumurwa gho ghukuru thikuma. Hashengeteya hashanine murwa dho dhikuru thikuma dhaNtwala.




“Nawana dyodikuru,” gha kuyerire Joy. Gha tapire dimurwa dyendi kwaNtwala.




“Muyende mukayowane,” gha ghambire Ntwala ko hashengeteya. Waheya hatjirere mumeyu, hakugherire ghu tutuma kughutenda gho meyu gho murware rwaZambezi.




Ntwala ghemanine kumbombwa. Gha kaverere ngeshi kodhidi ngandu. Gha rorere hashengeteya hohakuru hakukutangawera kuyowana no kuvera. Gha rorere hakamadighana ha kukuhonga kuyowana ghutjakaghura meyu.




“Rurvedhe ro mutangu,” gha kugherire paghuhura.
“Mwimane mumuyira.” Gha shimbire dimurwa
dyodikuru no kudivukuma murware.




“Fotji, wadi, hatu. MUYENDE!” gethire. Hanuke hatjirere mumeyu ghuyogha kudimurwa. Ntwala gha wa rorere.




“Yame gho kutangerera!” gha kughere Maria naCaze paruvédhe rofotji. “Mwaheya yamwe ghokutangerera,” gha ghambire Ntwala.




“Nashana kukutangawera karo,” gha ghambire Maria.
“Ewa!” gha ghambire Chaze. “Kukona ndi Ntwala?”
hepure hashengeteya hamweya.




“Mwimane karo mumuyira,” gha wa tongwere Ntwala.
Gha shimbire dimurwa no kudivukumena kukayenda
thikuma.




“Fotji, wadi, hatu. MUYENDE!” gha kugherire. Hanuke hatjirere murware ghuyogha kudimurwa. Ntwala gha wa rorere.




“Yame gho kutangerera!” gha kugherire Chaze. Maria gha shayekire kuyogha. “Chaze yodiye muwini,” gha ghambire Ntwala. Ghuna rughana thiwana, Chaze. Mutuyende keho kudighumbo.”




Hanuke hayendire kudimbo naNtwala.
“Tuthimwetwedhe thithimwa, Ntwala,” ha rombire.
Awo ha hakire kutegherera yithimwa yendi.



Maria gha karire mumughongo wa Chaze no gha muthindekire pamuve. Chaze gha tangire kudira." Nanyi gha ka kupume nyina Chaze, gha gambire Joy kwaMaria.




“Maria! Yinye ghuna pumwera Chaze?” ghepure Ntwala. Ghana wini mutangu gho kuyomana. Mbadi ghuwa kenge,” Maria gha ghambirere.




Ntwala ghepure hashengeteya waheya hatende dikandero ghuhungumana. "Ngepi gha tutongwere mukuru gho shure?" ghepure. "Kurwa ne kumango. Hanu hokurwa ne hakona kuwana mahumbithero." gha ghambire Nakamwu.




“Maria rombe mathigherero,” gha ghambire Namasiku. “Chaze naye gha muhuthe, gha ghambire Joy. “Ca, mbadi ghuhunga kukupumaghura,” gha ghambire Ntwala.




Ntwala gha ghambire, "Nakughayara eshi Maria ne gha kuvumwe kuyowana Shundaha gho kurandako." Maria gha dirire shemwa. "Ni... Ni... Nithiyererepo Chaze. Dishesha nakupumura. Mbadi na kupura karo munu," gha rombire.




“Nakuthiyerera,” gha ghambire Chaze no gha turire moko ghendi ghundhondhera Maria. “Name naMaria ne nanyi tuyende noye, gha ghambire Ntwala kwaChaze. “Maria nanyi gha karombe mathiyerero kwa nyoko nako.”




Maria gha tongwere nyina Chaze, “Napumura Chaze yoyishi ghana wini mutangu. Munithiyererepo. Chaze ne muyendhange, yimango eyi na mupumura.”



Nyokwetu Sibungo gha tegherere kwaMaria. "Oyo ne mbadi ghuhunga Maria, yimango yokupumura hanu. Natumera koyi ghuna rombo mathiyerero. Nakuthiyerera." Nyokwetu Sibungo gha tongwere Ntwala, "Gho mupiterithi gho muwa."



Nyokwetu Sibungo gha ghambithire hanuke waheya.
“Ntwala ghana ghayara thiwana mahumbithero gho
kumuroghera Maria. Ghana pumura Chaze yoyishi
ghana yongaritha mutangu. Kenge keho ne mbadi
gha kukutangawera kuyogha karo.”



“Ene nawe,” Chaze gha menyamenyine, mbadi nakushana Maria gha kukare kudimbo Shundaha gho kurandako. Nashana ka kutangawera nendi naye thivike thokurandako!



Global Storybooks

globalstorybooks.net

Mayowano murware rwaZambezi

 Imelda Lyamine, Albius Chunga Mulisa, Maria Simasiku, Florence Habayemi Shitaa

 Kleopas Jambeinge

 Ruthgela Shawanga

